



Publicaziuns dalla vischnaunca, jamna 43

Damonda da bagheggiar

Nr. 2010-1051

Datum da publicaziun: 29 d'october 2010

La patruna: Patrizia Cabernard-Huonder, Via Peisel 2, 7186 Segnas

La representanta: Patrizia Cabernard-Huonder, Via Peisel 2, 7186 Segnas

Object: Midada d'intent, parcella 2953, Plaun Menisch, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da bagheggiar ein d'inoltrar a scret enteifer 20 dis alla instanza da bagheggiar, caum postal 57, 7180 Disentis/Mustér. La protesta sto esser motivada e suttacretta dil recurrent ni da siu representant.

Disentis/Mustér, ils 25-10-2010

Uffeci da bagheggiar Disentis/Mustér

Damonda da bagheggiar

Nr. 2010-1052

Datum da publicaziun: 29 d'october 2010

La patruna: Patrizia Cabernard-Huonder, Via Peisel 2, 7186 Segnas

La representanta: Patrizia Cabernard-Huonder, Via Peisel 2, 7186 Segnas

Object: Midada d'intent, parcella 2665, Plaunca Su, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da bagheggiar ein d'inoltrar a scret enteifer 20 dis alla instanza da bagheggiar, caum postal 57, 7180 Disentis/Mustér. La protesta sto esser motivada e suttacretta dil recurrent ni da siu representant.

Disentis/Mustér, ils 25-10-2010

Uffeci da bagheggiar Disentis/Mustér

Cussegli da vischnaunca

Il cussegli da vischnaunca seraduna **venderdis, ils 12 da november 2010 allas 19.30 uras** en stanza da seduta el plaunterren della casa communal ad ina seduta.

Tractandas:

1. Protocol nr. 12-2009/2012
2. Verificaziun dall'elecziun complementara dalla suprastanza communal dils 26 da settember 2010
3. Via Faltscharidas: Credit per la sanaziun (messadi nr. 18-2009/2012)
4. Postulat pertucccont retschercar l'interessenza sco era in adattau liug per cuminonzas da bargias da lenna da brisch per vischinias e vischins: Risposta dalla suprastanza communal (P 1-2009/2012)
5. Lescha forestala: Revisiun parziale (messadi nr. 20-2009/2012)
6. Preventiv 2011 (messadi nr. 19-2009/2012)
7. Agenda 2011 e damondas organisatorias

Il president dil cussegli da vischnaunca



Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinanza ni la segirtad publica.

Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la **fin da november 2010**.

En cass che las caglias e plontas vegnan buca tagliadas anavos enteifer il termin fixau, vegnan quel-las lavurs exequidas entras il surveitsch tecnic della vischunaunca cun adossar ils cuosts als proprietaris.

Disentis/Muster, october 2010
Uffeci da baghegiar Disentis/Muster

Fiera da sogn Martin

Gliendisdis, ils 8 da november 2010 ha liug l'usitada fiera da sogn Martin. Ils stans vegnan endrizzai sin la Via Lucmagn e parzialmein sin la Via da Scola e la Via Cons.

Las preparativas entras la vischunaunca entscheivan quei di allas 5.00 e la fiera ha liug naven dallas 7.30 entochen allas 18.00. Silsuenter retracta ei da far uorden, quei che cuoza entochen ca. allas 19.30. Per evitare incaps, supplichein nus las fatschentas el contuorn dils stans da fiera da ton sco pusseivel buca schar vegnir quei di autos cun pli grondas furniziuns.

Per la capientscha engraziein nus grondamein.
Uffeci da baghegiar Disentis/Muster

Controlla da habitonts

Naschientschas

Correctura dalla publicaziun el fegl ufficial nr. 42 dils 22-10-2010

Brazinha da Costa Iris, naschida ils 28 da settembre 2010, feglia da Nunes Brazinha Telma Sofia e Fernandes da Costa Jorge.

Oliveira Silva Matilde, naschida ils 16 d'october 2010, feglia da Gomes de Oliveira Sandra Filipa e Roberto da Silva Adriano.

Exposiziun da commerci e mistregn EX10 a Mustér

**venderdis, ils 29 d'october 2010 –
gliendisdis, igl 1. da november 2010**

Uras d'avertura exposiziun:

venderdis, ils 29-10-2010, 14.30–22.00 uras
sonda, ils 30-10-2010, 11.00–22.00 uras
dumengia, ils 31-10-2010, 11.00–22.00 uras
gliendisdis, ils 1-11-2010, 12.30–18.00 uras

**Program da rama en Sala Fontauna:
venderdis, ils 29-10-2010:**

13.30 Fiasta d'avertura EX10
22.00 Concerts da pop/rock cun sun gone mad ed Andarojo



sonda, ils 30-10-2010

16.30 Radio e Televisiun Rumantscha cun program per affons
22.00 Cabaret romontsch cun DaMa & co
23.00 Sault e divertiment cun Trio Supreme

dumengia, ils 31-10-2010

9.00 Brunch «Bien di EX10» (mira artechel separau)
10.00 Discussiun da podi e profil (RTR) cun Giusep Fry, Turitg – hotelier, e Giusep Fry, Cuera – manager da sport
16.30 Radio e Televisiun Rumantscha cun program per affons

20.30 Concert Chor d'affons Sumvitg
21.30 Rock'n roll cun Crazy Comets
23.00 Sault e divertiment cun Duo Desertina

mintga sera

17.30 Aertura ustria Sala Fontauna cun Las Bagordas, Mustér
20.00 Aertura Bar «La Cucaracha»

Brunch «Bien di EX10» cun Las Bagordas, Mustér

A caschun dall'exposiziun da commerci e mistregn EX10 ha liug la **dumengia, ils 31 d'october 2010 naven dallas 9.00** in brunch en cumbinaziun cun ina discussiun da podi cun *Giusep Fry, hotelier, e Giusep Fry, manager da sport*. Quella discussiun da podi vegg menada atras en **Sala Fontauna** ed ei moderada da Radio e Televisiun Rumantscha per l'emissiun «profil». Bugen lessen nus envidar vus convischins da far part a quella.

Tgi che ha interess vid il brunch ei supplicaus da s'annunziar cuort sut l'adressa da mail president@lasbagordas.ch cun dar en il diember da personas, per che nus sappien planisar. Naturalmein eis ei era pusseivel da visitar la discussiun da podi senza brunch cun in caffè ed ina mesaglina.

Ei fagess grond plascher da seveser cun in ni l'auter a quella caschun ni era schiglioc inagada ell'ustria Sala Fontauna all'EX10.

Las Bagordas, Mustér

Uniun da dunnas Mustér
Mummas cun affons pigns
Teater da casperets

Mesjamna, ils 3 da november 2010 allas 15.00 essas Vus tuts cordialmein envidai a nies teater da casperets che ha liug en halla Cons.

Silsuenter purschin nus ad in e scadin petta e caffè.

Nus selegrein sin Vossa viseta.
Mummas cun affons pigns Mustér

Workshop – Jazz e modern

La gruppera Movis (moviment e sault, Mustér) organisescha era uonn in cuors da saltar jazz e modern per giuventetgna e carschi naven da 15 onns ensi. La pedagoga da gimnastica e sault da jazz,



Giovanna Vassella da Lodrino (Tessin), dat puspei la pusseivladad d'emprender elements, resp. coreografias el stil da jazz e modern.

Indicaziuns detagliadas pil workshop:

Cu? **Sonda e dumengia, ils 20 e 21 da november 2010**

Nua? Mustér, Sala Fontauna Center da sport e cultura

Cuors da sonda dallas **13.00–14.30**

jazz: canticuaziun dumengia dallas **10.00–11.30**

Cuors da sonda dallas **15.00–16.30**

modern: canticuaziun dumengia dallas **12.30–14.00**

Sche Ti has plascher da separticipar ad in ni l'auter ni era ad omisdus cuors, lu s'annunzia entochen **dumengia, ils 7-11-2010** per telefon ni per mail: 081 947 62 02 ni 079 480 81 54, fam.hendry@bluewin.ch.

Ils Movis

Uniun samaritana Mustér

Nies proxim exercezi meinsil ha liug:

Gliendisdis, ils 8 da november 2010 allas 20.00 en casa da scola, Cons.

A stedia participazion envida

la presidenta

Uniun samaritana Mustér

Cuors agid d'urgenza «Refresher»

L'Uniun samaritana Mustér organisescha in cuors per refrestgentar las enconuschiantschas fundamentalas dil cuors agid d'urgenza (Nothilfekurs).

Datum: **Sonda, ils 20 da november 2010 dallas 13.30–16.30**

Liug: Casa da scola, Mustér

Annunzias: Ein da far tochen ils **10 da november 2010** tier Yvonne Flepp, tel. 081 947 50 35, e-mail: yvonne.flepp@kns.ch

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca



Biblioteca populara Mustér
Notg svizra da raquens 2010
Egl uaül da historias

Ils scolars dalla 3. e 5. classa primara prelegian e raquentan historias e contan per Vus.

Cu: **venderdis, ils 12 da november 2010**

Rimnada: allas 16.30 sil plaz da scola avon la halla Cons

Cuoz: ca. 2 uras

Special: L'occurrence ha liug da tutt'aura.

Setila en cauld. Sche ti has ina latiarna, sas ti prender ella cun tei (denton negins tizzuns!). Ei dat aunc ina pintga surpresa!

Nus selegrein d'astgar beneventar biaras audituras e biars auditurs.

Ils affons, ils scolasts e la squadra dalla biblioteca populara Mustér

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut **www.disentis.ch** ni **www.bibliotecas-surselva.ch** anfleis Vus nies entir catalog bibliotecar. Per e-mail saveis Vus reserver ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér